*D

739 unt gein der tjost geschicket unt dors mit sporn gezwicket. Hie wart diu tjost alsô geriten, bêdiu kollier versniten

- von starken spern, diu sich niht bugen.
 die sprîzen von der tjoste vlugen.
 ez het der heiden gar vür haz,
 daz dirre man vor im gesaz,
 wan des nieman vor im gepflac,
- gein dem er strîtes sich bewac.
 Ob si iht swerte vuorten,
 dâ si zein ander ruorten?
 diu wâren dâ scharpf unt al bereit.
 ir kunst unt ir manheit
- wart dâ erzeiget schiere.
 ecidemôn, dem tiere,
 wart etslîch wunde geslagen,
 ez mohte der helm dâr under klagen.
 diu ors vor müede wurden heiz,
- 20 si versuochten manegen niuwen kreiz. Si bêde ab orsen sprungen; alrêst diu swert erklungen. der heiden tet dem getouftem wê. des krîe was 'Thasme'
- unt swenn er schrîte Thabronit, sô trat er **vürbaz** einen trit. werlîch was der getoufte ûf **manegem drætem** loufte, den si zein ander tâten.
- 30 ir strît was sô gerâten,

 \overline{D}

 ${\bf 3}$ Initiale D ${\bf 11}$ Majuskel D ${\bf 21}$ Majuskel D

*m

und gegen der juste geschicket und **daz** ros mit **zorn** gezwicket. hie wart juste alsô geriten, beidiu kollier versniten

- mit starken spern, diu sich niht bugen.
 die sprîzen von der juste vlugen.
 ez het der heiden gar vür haz,
 daz diser man vor im gesaz,
 wan des niemen vor im gepflac,
- gegen dem er strîtes sich bewac. ob si iht swerte vuorten, dô si zuo ein ander ruorten? diu wâren scharpf, vast und breit. ir kunst und ir manheit
- wart dô erzöuget schier.
 ecidemôn, dem tier,
 wart etlîch wunde geslagen,
 ez mohte der helm dâr under klagen.
 diu ros vor müede wurden heiz,
- si **versuochten** manigen niuwen **kreiz**. si beide ab rossen sprungen; allerêrst diu swert *er*klungen. der heiden tet dem getouften wê. des *kr*îe was 'Thasme'
- 25 und wan er schrît Tabronit, sô trat er **vürbaz** einen trit. werlîch was der getouft ûf **manige** *d* **ræten** louft, de *n* si zuo ein ander tâten.
- 30 ir strît was sô gerâten,

m n o V V' Fr69

Unde gein der tjost geschicket unde **diu** ors mit **sporn** gezwicket. hie wart **diu** tjost alsô geriten, beidiu kollier versniten

- 5 mit starken spern, diu sich niht bugen. die sprîzen von der tjost vlugen. ez hete der heiden gar vür haz, daz dirre man vor im gesaz, wan des niemen vor im gepflac,
- gein dem er strîtes sich bewac. op si diu swert iht vuorten, daz si zein ander ruorten? diu wâren dâ scharpf und al bereit. ir kunst unde ir manheit
- wart dâ erzeiget schiere. ecidemôn, dem tiere, wart etslîch wunde dâ geslagen, ez moht der helm drunder klagen. diu ors von müede wurden heiz,
- 20 si liezen manigen niwen sweiz. si bêde abe orsen sprungen; alrêrst diu swert erklungen. der heiden tet dem getouften wê. des krîe was 'Tasme'
- 25 unde swenne er schrîte Tabrunit, sô trat er vür sich einen trit. werlîch was der getoufte, ûf manigen trit er loufte, den si zein ander tâten.
- 30 Ir strît was sô gerâten,

GILMZFr24

1 Initiale G L Z 3 Initiale Fr24 11 Initiale I 27 Initiale M 30 Initiale G Z

1 geschicket] Gesswichet I 2 sporn] den sporn I 3 alsô] mit sporn L om. Z 6 sprizen] splittern M \cdot der tjost] den spern I 7 haz] einen haz I 9 des] das M \cdot gepflac] phlac M 10 gein] wan der Gein I Uon Fr24 12 daz] do I Da M Fr24 \cdot zein ander] ein ander I 13 dâ] om. L \cdot al bereit] breit L albreit Z 14 ir manheit] die manheit Z 15 erzeiget] [erzeiget]: erzeigen Z \cdot schiere] schere M 16 ecidemôn] ezidom I 18 der] dy M 19 von] vor L M Fr24 20 liezen] svchten L (Fr24) versuchten M (Z) \cdot sweiz] leiz L creisz M (Z) 21 abe] von I (Fr24) abe den L von deme M \cdot orsen] orse I (M) 23 heiden] heide M \cdot getouften] Getauftem I kristen L 24 krîe] schrey M \cdot Tasme] thasme G M Z (Fr24) Talme L 25 swenne] wenne L (M) Z \cdot schrîte] strite I \cdot Tabrunit] Tanprunit I tabrunit M Tabr::: Fr24 26 vür sich] vorbasz M (Z) \cdot einen trit] eyn treit M 27 der] der der I 28 manigen trit] mangem trit I (M) manigem dreten Z \cdot er loufte] vrlaufte I lovfte L (M) Z 29 den] Die Fr24 \cdot zein ander] zv einer Z

- und gein der jost geschicket und **diu** ors mit **sporn** gezwicket. hie wart **diu** jost alsô geriten, beidiu kollier versniten
- mit starken spern, diu sich niht bugen.
 die sprîzen von der jost vlugen.
 Ez hete der heiden gar vür haz,
 daz dirre man vor im gesaz,
 wan des nieman vor im gepflac,
- gein dem er strîtes sich bewac.
 ob si diu swerte iht vuorten,
 dô si zuo ein ander ruorten?
 diu wâren dô scharpf und alle breit.
 ir kunst und ir manheit
- wart dô erzeiget schiere.
 ecidemôn, dem tiere,
 wart etslîche wunde dô geslagen,
 ez mohte der helm dâr under klagen.
 diu ors von müede wurden heiz,
- 20 si **versuocheten** manegen niuwen **kreiz**. si beide ab orsen sprungen; alrêrst diu swert erklungen. der heiden tet dem getouften wê. des krîe was 'Thasme'
- 25 und wan er schrîte Tabrunit, sô trat er vürbaz einen trit. werlîch was der getoufte ûf manegem dræten loufte, den si zuo ein ander tâten.
- 30 ir strît was sô gerâten,

UWQR

 ${f 3}$ Initiale R ${f 7}$ Initiale U W

I gein der jost] [gem*]: gendem strit R 3 geriten] scharpff geritten R 5 starken] scharpffen R 6 sprîzen] spidlen R 7 Ez] er Q 8 gesaz] do gesessen was R 9 im] in U om. W · gepflac] pflag R 10 strîtes sich] sich strittes R 11 ob] oder U · iht] Jch R · vuorten] rurten W 12 dô] Die W · zuo ein ander ein andren R · ruorten] furten W 13 dô] om. W · alle] om. W all Q · breit] bereit Q R 16 ecidemôn] Essidemon W Etidomen R 17 dô] do zu mal R 18 mohte] mochte W · klagen] wol clagen R 19 müede] mūde Q muden R · heiz] do heis R 21 ab orsen] ab den roßen W (R) von rosse Q 22 alrêrst] Allererst recht W 24 krîe] krick Q · Thasme] tasme U W Q 25 Tabrunit] tanbrunit U tabrúnit Q Tabrunit R 26 trat] schreit W tett R · vürbaz] fur sich Q (R) · trit] schrit W 28 manegem] mangen W (R) · dræten] trate Q trette R 29 ein ander] einandren R